

Terme en Voorwaardes

M: 066 040 6059 | E: info@rbnfund.co.za
www.rbnc.co.za



TERME EN VOORWAARDES

Afri-Aandele® — 'n handelsmerk en handelsnaam van Renewable by Nature Capital (RF) Bpk

Maatskappyregistrasienommer: 2018/383003/06 | FSP Nommer: 49781

Datum van inwerkingtreding: 27 Julie 2026 Weergawe: 3

Hierdie Terme en Voorwaardes ('Voorwaardes') reël u toegang tot en gebruik van hierdie webwerf (die 'Webwerf'), wat deur Renewable by Nature Capital (RF) Bpk, handeldrywende as Afri-Aandele® ('die Maatskappy', 'ons', 'ons s'n'), bedryf word. Deur die Webwerf te besoek, te blaai of te gebruik, bevestig u dat u hierdie Voorwaardes gelees en verstaan het, en stem u daartoe in om daardeur gebonde te wees. Indien u nie met hierdie Voorwaardes akkoord gaan nie, moet u nie die Webwerf gebruik nie.

1. Identiteit van die Maatskappy

1.1 Afri-Aandele® is 'n geregistreerde handelsmerk en handelsnaam waaronder Renewable by Nature Capital (RF) Bpk sekere van sy dienste en produkte bemark en aanbied.

1.2 Afri-Aandele is nie 'n aparte regspersoon of regsentiteit nie. Alle regte, verpligtinge en aanspreeklikhede wat uit die gebruik van die Webwerf of enige verwante diens ontstaan, berus by Renewable by Nature Capital (RF) Bpk.

1.3 Maatskappybesonderhede:

Maatskappynaam: Renewable by Nature Capital (RF) Bpk

Registrasienommer: 2018/383003/06

FSP Nommer: 49781, synde 'n gemagtigde Finansiële Diensverskaffer ingevolge die Wet op Finansiële Adviese en Tussengangersdienste, 2002 (Wet 37 van 2002)

Besigheidsadres: 302 Aquila Avenue, Waterkloof Ridge, Pretoria, 0181

2. Aanvaarding van hierdie Voorwaardes

2.1 U aanvaarding van hierdie Voorwaardes vind plaas wanneer u die Webwerf besoek, registreer, of enige funksie daarvan gebruik.

2.2 Indien u hierdie Voorwaardes namens 'n regspersoon, trust, of ander entiteit aanvaar, verklaar u dat u behoorlik gemagtig is om sodanige entiteit te bind.

2.3 Hierdie Voorwaardes moet saamgelees word met enige ander toepaslike beleid op die Webwerf, insluitend die Privaatheidsbeleid, PAIA-handleiding, Klagtebeleid, Belangebotsingsbeleid en FAIS-openbaarmakingsdokument, wat almal hierin deur verwysing ingesluit word.



3. Doel van die Webwerf

3.1 Die Webwerf verskaf algemene inligting oor die Maatskappy, sy handelsnaam Afri-Aandele, en die beleggingsgeleenthede wat van tyd tot tyd deur die Maatskappy aangebied word.

3.2 Die Webwerf is bedoel vir algemene inligting- en bemerkingsdoeleindes, en vorm nie op sigself 'n aanbod, uitnodiging of versoek om enige spesifieke belegging te koop of te verkoop nie, behalwe waar uitdruklik so aangedui.

3.3 Enige belegging wat via die Webwerf of verwante platforms gefasiliteer word, word onderneem ingevolge afsonderlike, spesifieke beleggingsdokumentasie wat op daardie belegging van toepassing is.

4. Gebruik van die Webwerf

4.1 U moet ten minste 18 jaar oud wees, of andersins regsbevoeg wees om 'n bindende ooreenkoms ingevolge Suid-Afrikaanse reg aan te gaan, om die Webwerf te gebruik.

4.2 U onderneem om die Webwerf slegs vir wettige doeleindes en ooreenkomstig hierdie Voorwaardes te gebruik.

4.3 U onderneem om akkurate, volledige en op datum inligting te verskaf waar dit van u vereis word, en om sodanige inligting op te dateer soos nodig.

4.4 Ons behou die reg voor om toegang tot die Webwerf, of enige deel daarvan, na goeë dunnke te beperk, op te skort of te weier, insluitend waar ons redelikerwys vermoed dat hierdie Voorwaardes oortree word.

5. Gebruikersregistrasie en Rekeninge

5.1 Sekere funksies van die Webwerf, insluitend die bekyk en bestuur van beleggings, vereis registrasie van 'n rekening.

5.2 U is verantwoordelik vir die vertroulikheid van u aanmeldbesonderhede en vir alle aktiwiteite wat onder u rekening plaasvind.

5.3 U moet ons onmiddellik in kennis stel indien u vermoed dat u rekening sonder u toestemming gebruik word.

5.4 Ons behou die reg voor om 'n rekening te skors of te sluit waar ons redelikerwys vermoed dat hierdie Voorwaardes oortree is, onakkurate inligting verskaf is, of waar dit nodig is om aan toepaslike regs- of regulatoriese vereistes te voldoen.

6. Beleggings en Finansiële Dienste

6.1 Niks op hierdie Webwerf, insluitend enige inligting, inhoud of voorbeelde, moet as gepersonaliseerde finansiële advies beskou word nie, tensy dit uitdruklik en spesifiek as sodanig aangedui word.



6.2 Algemene inligting op die Webwerf hou nie rekening met u persoonlike finansiële omstandighede, doelwitte of behoeftes nie. Waar u onseker is oor die geskiktheid van enige belegging, word u aangeraai om onafhanklike finansiële, belasting- of regsadvies in te win.

6.3 Enige belegging wat u via die Maatskappy aangaan, bly te alle tye onderworpe aan die spesifieke beleggingsdokumentasie, -ooreenkomste en -bepalings wat op daardie belegging van toepassing is. Waar enige teenstrydigheid tussen hierdie Voorwaardes en sodanige beleggingsdokumentasie bestaan, geniet die beleggingsdokumentasie voorrang met betrekking tot daardie spesifieke belegging.

7. Risiko-openbaarmaking

7.1 Alle beleggings hou risiko in. Die waarde van 'n belegging kan toeneem of afneem, en daar is geen waarborg dat u oorspronklike kapitaal ten volle terugbetaal sal word nie.

7.2 Kapitaal word nie gewaarborg nie.

7.3 Historiese of vorige prestasie van enige belegging, bate of bateklas is nie 'n aanduiding of waarborg van toekomstige prestasie nie.

7.4 Waar geprojekteerde of verwagte opbrengste op die Webwerf of in beleggingsdokumentasie aangetoon word, is sodanige syfers ramings en vorm nie 'n waarborg van werklike toekomstige opbrengste nie.

7.5 U word aangeraai om die volledige risiko-openbaarmaking in die toepaslike beleggingsdokumentasie deeglik deur te lees voordat u enige beleggingsbesluit neem, en om, waar nodig, onafhanklike professionele advies in te win.

8. Intellektuele Eiendom

8.1 Alle inhoud op die Webwerf, insluitend maar nie beperk nie tot teks, grafika, ontwerp, logo's, ikone, beelde en sagteware ('Inhoud'), is die eiendom van die Maatskappy of sy lisensiegewers en word deur outeursreg en ander intellektuele-eiendomswet te beskerm.

8.2 Afri-Aandele® en die gepaardgaande logo is geregistreerde handelsmerke van die Maatskappy. Geen reg, titel of belang in sodanige handelsmerke word aan u oorgedra deur u gebruik van die Webwerf nie.

8.3 U mag Inhoud slegs vir u eie, nie-kommersiële, persoonlike gebruik besigtig en aflaai, op voorwaarde dat alle outeursreg- en ander eiendomskenisgewings behoue bly. Geen ander gebruik, insluitend reproduksie, verspreiding, wysiging of publikasie van Inhoud, word toegelaat sonder ons voorafgaande skriftelike toestemming nie.

9. Verbode Gebruik

U onderneem om nie:

9.1 die Webwerf vir enige onwettige doel, of op 'n wyse wat enige toepaslike wet oortree, te gebruik nie;



9.2 ongemagtigde toegang tot die Webwerf, ons stelsels, of enige gebruikersrekening te probeer verkry nie;

9.3 enige virus, kwaadwillige kode of skadelike materiaal na die Webwerf op te laai of te versprei nie;

9.4 die Webwerf te “scrape”, te “crawl”, of op enige outomatiese wyse data daarvan te onttrek sonder ons voorafgaande skriftelike toestemming nie;

9.5 u as 'n ander persoon of entiteit voor te doen, of andersins wanvoorstellings omtrent u identiteit of affiliasie te maak nie;

9.6 enige veiligheidsmaatreël van die Webwerf te omseil, te ontwyk, of daarmee te peuter nie; of

9.7 enige intellektuele-eiendomsreg van die Maatskappy of 'n derde party te skend nie.

10. Beskikbaarheid van die Webwerf

10.1 Ons streef daarna om die Webwerf beskikbaar te hou, maar waarborg nie ononderbroke, tydige of foutlose toegang nie.

10.2 Ons behou die reg voor om die Webwerf, of enige deel of funksie daarvan, te alle tye sonder voorafgaande kennisgewing te wysig, op te skort, of te staak, insluitend vir instandhouding, opgradering of ander operasionele redes.

10.3 Ons is nie aanspreeklik vir enige verlies of skade wat uit die ontoeganklikheid of onbeskikbaarheid van die Webwerf voortspruit nie, behalwe waar sodanige aanspreeklikheid nie regtens uitgesluit kan word nie.

11. Beperking van Aanspreeklikheid

11.1 Die Webwerf en Inhoud word “soos dit is” verskaf, sonder enige uitdruklike of geïmpliseerde waarborg, voor sover deur die reg toegelaat.

11.2 Voor sover regtens toelaatbaar, is die Maatskappy nie aanspreeklik vir enige indirekte, gevolglike, spesiale of bykomstige verlies of skade wat uit u gebruik van, of onvermoë om die Webwerf te gebruik, voortspruit nie.

11.3 Niks in hierdie Voorwaardes poog om aanspreeklikheid uit te sluit of te beperk waar sodanige uitsluiting of beperking deur die Suid-Afrikaanse reg verbied word nie, insluitend, sonder beperking, aanspreeklikheid vir growwe nalatigheid, opsetlike wangedrag, bedrog, of enige reg wat ingevolge die Wet op Verbruikersbeskerming, 2008 (Wet 68 van 2008), of enige ander toepaslike wetgewing, nie uitgesluit mag word nie.

11.4 Hierdie klousule beperk nie enige aanspreeklikheid wat spesifiek in afsonderlike beleggingsdokumentasie uiteengesit word nie, wat op sy eie meriete van toepassing bly.



12. Vrywaring

12.1 U onderneem om die Maatskappy, sy direkteure, werknemers en verteenwoordigers te vrywaar teen enige eis, verlies, skade of koste (insluitend redelike regskoste) wat direk voortspruit uit: (a) u oortreding van hierdie Voorwaardes; (b) u onwettige of bedrieglike gebruik van die Webwerf; of (c) u skending van enige derde party se regte deur u gebruik van die Webwerf.

12.2 Hierdie vrywaring is nie bedoel om enige reg waarvan u regtens nie kan afstand doen nie, te beperk of uit te sluit nie.

13. Skakels na Derdepartye

13.1 Die Webwerf mag skakels na webwerwe of hulpbronne van derde partye bevat, wat vir u gerief verskaf word.

13.2 Sodanige skakels impliseer nie goedkeuring van, verbintenis met, of verantwoordelikheid vir die inhoud, produkte of dienste van sodanige derde partye deur die Maatskappy nie.

13.3 Die Maatskappy oefen geen beheer oor derdeparty-webwerwe uit nie en aanvaar geen aanspreeklikheid vir enige verlies of skade wat uit u gebruik daarvan voortspruit nie.

14. Privaatheid

14.1 Die wyse waarop ons persoonlike inligting insamel, gebruik, verwerk en beskerm, ingevolge die Wet op Beskerming van Persoonlike Inligting, 2013 (Wet 4 van 2013) ("POPIA"), word uiteengesit in ons Privaatheidsbeleid, wat op die Webwerf beskikbaar is en hierin deur verwysing ingesluit word.

14.2 Deur die Webwerf te gebruik, bevestig u dat u kennis geneem het van, en instem tot, die Privaatheidsbeleid.

15. Bevordering van Toegang tot Inligting (PAIA)

15.1 Ingevolge die Wet op Bevordering van Toegang tot Inligting, 2000 (Wet 2 van 2000) ("PAIA"), het u die reg om, onderworpe aan die bepalinge van PAIA, toegang tot sekere rekords van die Maatskappy aan te vra.

15.2 Besonderhede van hierdie proses, insluitend die Inligtingsbeampte se kontakbesonderhede, word uiteengesit in ons PAIA-handleiding, wat op die Webwerf beskikbaar is.

16. Klagtes

16.1 Indien u ontevrede is met enige diens wat deur die Maatskappy gelewer word, kan u 'n klagte indien ooreenkomstig ons Klagtebeleid, wat op die Webwerf beskikbaar is.

16.2 Ons Klagtebeleid stel die proses uiteen waarvolgens klagtes hanteer, ondersoek en opgelos word, insluitend, waar toepaslik, u reg om 'n onopgeloste klagte na die Ombudsman vir Finansiële Diensteverkaffers te verwys.



17. Belangebotsingsbeleid

17.1 Die Maatskappy handhaaf 'n Belangebotsingsbeleid ingevolge die vereistes van FAIS, wat daarop gemik is om potensiële belangebotsings tussen die Maatskappy, sy verteenwoordigers en kliënte te identifiseer en te bestuur.

17.2 'n Volledige weergawe van hierdie beleid is op die Webwerf beskikbaar, of kan op versoek verkry word.

18. FAIS-openbaarmaking

18.1 As 'n gemagtigde Finansiële Diensverskaffer (FSP Nommer 49781), is die Maatskappy verplig om sekere inligting ingevolge die Algemene Gedragskode vir Finansiële Diensverskaffers, uitgevaardig kragtens FAIS, aan kliënte openbaar te maak.

18.2 Hierdie inligting, insluitend besonderhede van die Maatskappy se magtigingsstatus, verteenwoordigers en toepaslike kontakpunte, word uiteengesit in ons FAIS-openbaarmakingsdokument, wat op die Webwerf beskikbaar is.

19. Wysiging van die Voorwaardes

19.1 Ons behou die reg voor om hierdie Voorwaardes van tyd tot tyd na goeddunke te wysig.

19.2 Enige wysiging tree in werking sodra dit op die Webwerf gepubliseer word. Die datum van die jongste wysiging word bo-aan hierdie dokument aangedui.

19.3 U voortgesette gebruik van die Webwerf na publikasie van 'n wysiging dui op u aanvaarding van die gewysigde Voorwaardes. Indien u nie met 'n wysiging akkoord gaan nie, moet u ophou om die Webwerf te gebruik.

20. Toepaslike Reg en Jurisdiksie

20.1 Hierdie Voorwaardes word beheer deur, en moet uitgelê word ooreenkomstig, die reg van die Republiek van Suid-Afrika.

20.2 U onderwerp u onherroeplik aan die nie-eksklusiewe jurisdiksie van die hof van die Republiek van Suid-Afrika met betrekking tot enige geskil wat uit hierdie Voorwaardes voortspruit.

21. Kontakbesonderhede

Vir enige navrae in verband met hierdie Voorwaardes, kontak ons by:

Telefoon: 066 040 6059

E-pos: info@rbnfund.co.za

Geregistreerde Kantoor: 302 Aquila Avenue, Waterkloof Rif, Pretoria, 0181



Webwerf: www.afri-aandele.co.za / www.rbnc.co.za